

գութիւնն 'ի վերայ Աստուածատուր Եպիսկոպոսի : Ապա դարձ արարեալ անտի եկին 'ի վանս, եւ նստուցին զԱստուածատուր յաթոռ Պատրիարքութեան, 'ի ՎՐէճէպ ամսոյ, ԳՅԳ (1532) : Զայս ամենայն առեալ թարգմանեցաք 'ի նոյն յետկարէ, որպէս ասացաք : Ահա այսպիսի եղանակաւ կատարէին զփոփոխութիւն Պատրիարքաց 'ի նմին ժամանակի, այլ թէ փոքր ինչ յառաջ եւս որպէ՞ս առնէին, չէ յայտ : Լատին կրօնաւորք, ոմանք բանտարկեցան յերուսաղէմ, և ոմանք վարեալ 'ի Դամասկոս եդան անդ 'ի բանտի, և մնացին ամս 3. և ամիսս 3. և 'ի նոցանէ անձինք 8 մեռան 'ի բանտի : (1537) :

Գ Լ Ո Ի Խ Լ Զ .

Ծռարտիկ : Պարխոյ Երուսաղէմի : Անդրեաս Պատրիարք : Վէճ ընդ Յունաց : Գերեզման Ս . Աստուածածնի : Պատանատեղին Քրիստոսի 'ի Ս . Յարութեան :

Ի ԺԱՄԱՆԱԿՍ իշխանութեան Աստուածատուր Պատրիարքի Մարտինեցոյ, դարձեալ պատահեցաւ խոտորումն Զատիկի, որպէս պատահէր յառաջագոյն, զորոց գրեցաք 'ի նախընթաց գլուխսդ, և եղեւ վէճ և խռովութիւն սաստիկ 'ի մէջ միաբանացն Հայոց և Յունաց եղեւոց յերուսաղէմ, Հայք կարի 'ի նեղ անկեալ դիմեցին 'ի դուռն Օսմանեան, և 'ի դատարանէ Մահմուտ Փաշայի առին մուրհակ. առանձին կատարել զտօն Պասեքին, զի Յոյնք յայսմ ամի տօնեցին 'ի 6 Ապրիլ, իսկ Հայք, 'ի 13 նոյն ամսոյ : Յոյնք զջարեալ այսմ յարուցին աղմուկ մեծ, և առիթ եղին հանդիպելոց Հայոց մեծամեծ վնասուց և նեղութեանց, և արկանել երկպառակութիւն 'ի մէջ ժողովրդոց, թէ Զատիկն Հայոց ոչ եղեւ ըստ նախնական սովորութեան, զի Լոյսն զսրմէ ասէք, եւ այն յառաջագոյն վասն մեր, և այլ սոցին նման բանք անտեղիք, և իբրեւ եաես Աստուածատուր թէ՛ Յոյնք առաւել նեղեն և հարստահարեն զժողովուրդ իւր բռնութեամբ, աղբ արար դատաւորի քաղաքին, Իսկ նորա ցա-